

SAMÞYKKT

um breytingu á samþykkt um stjórn og fundarsköp Stykkishólmsbæjar nr. 352/2001.

1. gr.

57. gr. samþykktarinnar verður svohljóðandi:

Nefndir, ráð, stjórnir, tilnefningar og kosningar.

Bæjarstjórn kýs fulltrúa í eftirtaldar nefndir, ráð og stjórnir:

A. Til eins árs. Á fundi í júní ár hvert:

1. *Bæjarráð*. Bæjarstjórn kýs þrjá bæjarfulltrúa og þrjá til vara í bæjarráð skv. 38. gr. sveitarstjórnarlaga nr. 45/1998. Eingöngu bæjarfulltrúar eru kjörgengir í bæjarráð sem aðalmenn. Auk þeirra fulltrúa sem ná kjöri eiga þeir listar sem ekki fá kjörinn fulltrúa í bæjarráð rétt á að tilnefna einn bæjarfulltrúa hver sem áheyrnarfulltrúa og skal hann hafa málfrelsi og tillögurétt.
2. *Samtök sveitarfélaga á Vesturlandi*. Bæjarstjórn kýs þrjá fulltrúa og jafnmarga til vara á aðalfund Samtaka sveitarfélaga á Vesturlandi samkvæmt lögum samtakanna.

B. Nefndir til fjögurra ára. Á fyrsta eða öðrum fundi að afloknum bæjarstjórnarkosningum:

1. *Atvinnumálanefnd*. Bæjarstjórn kýs fimm fulltrúa og jafnmarga til vara. Nefndin starfar samkvæmt erindisbréfi. Nefndin fer einnig með ferðamál.
2. *Skipulags- og byggingarnefnd*. Bæjarstjórn kýs fimm fulltrúa og jafnmarga til vara skv. 6. gr. skipulags- og byggingarlaga nr. 73/1997. Auk þess starfar nefndin samkvæmt reglugerðum nr. 400/1998 og 441/1998, fer með umferðarmál samkvæmt lögum nr. 50/1987 og ferlimál. Nefndin starfar samkvæmt erindisbréfi.
3. *Húsnæðisnefnd*. Bæjarstjórn kýs þrjá fulltrúa og jafnmarga til vara skv. 6. gr. laga um húsnæðismál nr. 44/1998. Nefndin starfar samkvæmt erindisbréfi.
4. *Fræðslunefnd*. Bæjarstjórn kýs fimm fulltrúa og jafnmarga til vara skv. 13. gr. laga um grunnskóla nr. 66/1995. Nefndin fer með málefni leikskóla og grunnskóla Stykkishólms. Nefndin starfar samkvæmt erindisbréfi.
5. *Skólanefnd tónlistarskóla*. Bæjarstjórn kýs þrjá fulltrúa og jafnmarga til vara skv. 2. gr. laga um fjárhagslegan stuðning við tónlistarskóla nr. 75/1985. Nefndin fer með málefni tónlistarskóla Stykkishólms. Nefndin starfar samkvæmt erindisbréfi.
6. *Safna- og menningarmálanefnd*. Bæjarstjórn kýs fimm fulltrúa og jafnmarga til vara skv. 7. gr. laga um almenningsbókasöfn nr. 36/1997. Nefndin starfar samkvæmt erindisbréfi.
7. *Landbúnaðarnefnd*. Bæjarstjórn kýs þrjá fulltrúa og jafnmarga til vara. Nefndin starfar samkvæmt erindisbréfi.
8. *Æskulýðs- og íþróttarnefnd*. Bæjarstjórn kýs fimm fulltrúa og jafnmarga til vara. Nefndin fer með íþrótt- og æskulýðsmál. Nefndin starfar samkvæmt erindisbréfi.
9. *Jafnréttisnefnd*. Bæjarstjórn kýs þrjá fulltrúa og jafnmarga til vara til að fara með jafnréttismál samkvæmt lögum um jafna stöðu og jafnan rétt kvenna og karla nr. 96/2000. Nefndin starfar samkvæmt erindisbréfi.
10. *Umhverfisnefnd*. Bæjarstjórn kýs fimm fulltrúa og jafnmarga til vara. Nefndin fer með umhverfismál og gróðurverndarmál. Nefndin starfar samkvæmt erindisbréfi.
11. *Skóðunarmenn*. Bæjarstjórn kýs tvo fulltrúa og jafnmarga til vara skv. 69. gr. sveitarstjórnarlaga nr. 45/1998.

C. Stjórnir til fjögurra ára:

1. *Hafnarstjórn*. Bæjarstjórn kýs fimm fulltrúa og jafnmarga til vara skv. 10. gr. hafnalaga nr. 61/2003. Stjórnin fer með málefni Stykkishólshafnar. Stjórnin starfar samkvæmt erindisbréfi.
2. *Kjörstjórn*. Bæjarstjórn kýs þrjá fulltrúa og jafnmarga til vara skv. 15. gr. laga um kosningar til Alþingis nr. 24/2000 og 14. gr. laga um kosningar til sveitarstjórna nr. 5/1998. Stjórnin starfar samkvæmt erindisbréfi.
3. *Stjórn lista- og menningarsjóds*. Bæjarstjórn kýs tvo fulltrúa auk forseta bæjarstjórnar sem er formaður stjórnar samkvæmt skipulagsskrá sjóðsins. Stjórnin starfar samkvæmt erindisbréfi.
4. *Stjórn Dvalarheimilis aldraðra*. Bæjarstjórn kýs þrjá fulltrúa, skal einn þeirra vera formaður, og jafnmarga til vara.

D. Fulltrúa í aðrar stjórnir, ráð og nefndir til fjögurra ára:

1. *Þjónustuhópur aldraðra*. Bæjarstjórn kýs tvo fulltrúa skv. 7. gr. laga um málefni aldraðra nr. 125/1999. Bæjarstjórn velur þjónustuhópnum formann úr hópi nefndarmanna skv. sömu lögum.
2. *Almannavarnanefnd*. Samkvæmt samkomulagi um skipan sameiginlegrar almannavarnanefndar og aðgerðastjórnar sveitarfélaganna á Snæfellsnesi og lögreglustjórans á Snæfellsnesi er bæjarstjóri skipaður fulltrúi nefndarinnar.
3. *Héraðsnefnd Snæfellinga*. Bæjarstjórn kýs fjóra fulltrúa og jafnmarga til vara til að sitja aðalfundi.
4. *Fulltrúaráð Eignarhaldsfélags Brunabótafélags Íslands*. Bæjarstjórn kýs einn aðalman og annan til vara skv. 9. gr. laga um Eignarhaldsfélagið Brunabótafélag Íslands nr. 68/1994.
5. *Landsþing sambands íslenskra sveitarfélaga*. Bæjarstjórn kýs einn fulltrúa og annan til vara á landsþing samkvæmt lögum sambandsins.
6. *Stjórn Jeratúns ehf.* Bæjarstjórn kýs einn fulltrúa í stjórn Jeratúns ehf.
7. *Félags- og skólaþjónusta Snæfellinga*. Bæjarstjórn kýs til Félags- og skólaþjónustu Snæfellinga, þannig:
 - a. Einn fulltrúa og annan til vara í stjórn byggðasamlags um rekstur félags- og skólaþjónustu Snæfellinga.
 - b. Einn fulltrúa og annan til vara í skólaþjónustunefnd FSS.
 - c. Tvo fulltrúa og tvo til vara í félagsmála- og barnaverndarnefnd FSS.
8. *Stjórn Náttúrustofu Vesturlands*. Bæjarstjórn kýs, samkvæmt 12. gr. laga um Náttúrufræðistofnun Íslands og náttúrustofur nr. 60/1992, með síðari breytingum, þrjá fulltrúa, skal einn þeirra vera formaður, og jafnmarga til vara.

2. gr.

62. gr. samþykktarinnar verður svohljóðandi:

Ráðning starfsmanna.

Bæjarstjóri ræður aðra fasta starfsmenn en þá sem greinir í 61. gr., nema á annan veg kunnir að vera mælt í lögum, reglugerðum eða reglum sem bæjarstjórn hefur sett. Í þeim tilvikum sem bæjarstjóri er vanhæfur til ákvarðana um ráðningu er honum heimilt að vísa ráðningunni til bæjarráðs. Ef stofnuð er ný staða (fast starf) skal bæjarstjórn ákveða hvort um það fer skv. 61. eða 62. gr. þessarar samþykktar. Bæjarstjóri ræður lausráðna starfsmenn eða felur öðrum starfsmönnum umboð til ráðningar slíkra starfsmanna eftir því sem við á hverju sinni. Heimilt er bæjarstjóra að fela skólustjórum, forstöðumönnum stofnana bæjarins, slökkviliðsstjóra eða öðrum þeim sem gegnir sambærilegu starfi og forstöðumenn umboð til ráðningar fastra og lausráðinna starfsmanna í viðkomandi stofnun eftir því sem við á.

Nr. 875

5. október 2006

Samþykkt þessi sem bærarstjórn Stykkishólmsbæjar hefur sett skv. 10. og 25. gr. sveitarstjórnarlaga, nr. 45/1998, með síðari breytingum, staðfestist hér með til að öðlast þegar gildi.

Félagsmálaráðuneytinu, 5. október 2006.

F. h. r.

Guðjón Bragason.

Stefanía Traustadóttir.

—————
B-deild – Útgáfud.: 20. október 2006